

52. Međunarodno takmičenje u pisanju pisama za mlade ljude

PROPOZICIJE

1. Tema: Svjetski poštanski savez je za 52. Međunarodno takmičenje u pisanju pisama za mlade odabrao temu: **„Zamisli da si super junak i tvoja misija je učiniti sve ceste širom svijeta sigurnijima za djecu. Napiši pismo nekome i objasni koje bi ti super moći bile potrebne u postizanju ove misije“.**
2. Učestvuj: mladi ljudi do 15 godina starosti.
3. Sadržaj pisma: originalni rad dužine od 500 do 1000 riječi.
4. Pismo mora sadržavati sve elemente pisma (mjesto i datum, adresa pošiljaoca i primaoca, početni i završni pozdrav, kao i odgovarajući potpis na kraju).
5. Uz obavezno rukopisom napisano pismo, potrebno je dostaviti i njegov elektronski prepis urađen na računaru ili pisačkoj mašini.
6. Uz pismo obavezno treba dostaviti i sljedeće podatke: ime i prezime učenika, datum rođenja, adresu stanovanja, broj riječi u pismu, ime i prezime nastavnika maternjeg jezika, naziv i adresu škole, brojeve telefona učenika, nastavnika maternjeg jezika i škole.
7. Datum zatvaranja takmičenja: **31. mart 2023. godine**
8. Pismo s naznakom „Takmičenje u pisanju pisama“ treba poslati na jednu od adresa:

„JP BH POŠTA“ d.o.o. Sarajevo
Služba marketinga
Obala Kulina bana 8
71000 Sarajevo

HRVATSKA POŠTA d.o.o. MOSTAR
Ured marketinga i korporativnih komunikacija
Tvrtka Miloša b.b.
88000 Mostar

POŠTE SRPSKE a.d. Banja Luka
Služba za marketing
Kralja Petra I Karađorđevića 93
78000 Banja Luka
9. Svi učenici osnovnih škola u Bosni i Hercegovini, starosti do 15 godina, imaju pravo učešća na takmičenju. Ukoliko škole prethodno naprave selekciju pisama, molimo da u jednoj koverti ne šalju više od tri pisma.
10. Pisma koja nisu u skladu sa propozicijama takmičenja neće biti uzeta u obzir.

IZBOR NAJLJEPŠEG PISMA I NAGRADE

Stručni žiri će odabrati predstavnika BiH na Međunarodnom takmičenju mladih u pisanju pisama i izdvojiti za posebne pohvale i nagrade još najmanje deset radova. Troje prvoplasiranih učenika će biti nagrađeno novčanim nagradama (500 KM, 300 KM i 200 KM) i mobilnim telefonima, a njihovi nastavnici maternjeg jezika će biti nagrađeni novčanom nagradom po 100 KM i drugim poklonima. Autori radova od četvrtog do desetog mjesta, također će biti nagrađeni nagradama - bežičnim slušalicama, a tu su i nagrade iznenađenja za sve nagrađene učenike, kao i posebna nagrada za najkreativniji rad.

Imena nagrađenih učenika i pobjedničko pismo bit će objavljeni na web stranicama i društvenim mrežama javnih poštanskih operatera u BiH.

Nagrade na državnom nivou bit će uručene na prigodnoj svečanosti u Sarajevu, u oktobru 2023. godine.

IZBOR NAJLJEPŠEG PISMA NA MEĐUNARODNOM NIVOU

Sva pobjednička pisma na državnom nivou Svjetski poštanski savez će poslati stručnom žiriju, koji će izabrati tri najbolja rada za zlatnu, srebrnu i bronzanu medalju, i još najviše pet pisama za posebne pohvale i nagrade.

POSEBNA NAPOMENA

Djeca iz Bosne i Hercegovine na Međunarodnom takmičenju mladih u pisanju pisama učestvuju od 2003. godine. Od tada do danas u naše poštanske uprave dostavljene su hiljade pisama. Mnogo izvanrednih pisama je učestvovalo na takmičenju svake godine, ali je i veliki broj onih čije su mogućnosti za pobjedu bile smanjene jer nisu ispoštovali pravila takmičenja.

Zbog toga ponovno naglašavamo da pravila, odnosno propozicije takmičenja moraju biti ispoštovane. Cilj takmičenja je da se podstakne umjetnost pisanja pisama i usvoje osnovni elementi koje mora sadržavati svako pismo (adresa primaoca, mjesto, datum, oslovljavanje, sadržaj, pozdrav, potpis, adresa pošiljaoca).

Sva pisma koja stignu na navedene adrese su vlasništvo poštanskih operatera.

Kontakt osobe:

BH Pošta: Elvedina Halač, elvedina.halac@posta.ba, 033/252 659

Pošte Srpske: Dijana Grujić, dijana.grujic@postesrpske.com, 051/249 009

HP Mostar: Eugenija Grubeša, eugenija.grubesa@post.ba, 036/445 090